



UPA 2016/57

UPA 2016/143

Michael Rosing

Naalakkersuisut namminersortunngorsaannermut isumalioqatigiissitamik pilersitsinissaannut, pisortat suliffeqarfiit tamakkiisumik tamakkiisumiinngitsumillu pigisaannik misissueqqissaartussanik siunnersuuteqartussanillu suliffeqarfiit sorliit namminersortunngorsarnerinit iluanaaruteqartoqarsinnaaneramik suliaqartussanik aalajangiiffigisassatut siunnersuut. Misissuineq UKA 2017-mi Inatsisartunut tunniunneqassaaq.

(Inatsisartunut ilaasortaq Poul Hansen, Demokraatit)

(Siullermeenera)

Inatsisartut aaliangiiffigisassaattut siunnersuut Naalakkersuisut peqquneqassasut Naammassisaqarsinnaassuseqarnermik (produktivitet) ataatsimiisitaliarsuarmik pilersitsissasut.

(Inatsisartunut ilaasortaq Per Rosing-Petersen, Attaviitsoq)

(Siullermeenera)

Kalaallit Nunaanni pisortat allaffissornerat angeqaaq. Siuariartorneq, savituneq ineriartornerlu pissappata pisariaqarpoq namminersorlutik inuussutissarsiortut amerlisarnissaat. Aamma pisariaqarpoq pisortat ingerlatseqatigiiffiini piginneqataassutsit millineqarnissaat sulliviit, tunngaivusumik namminersortuusinnaasut aamma namminersortunngoqqullugit.

Aalajangerniarlugulu pisortat ingerlatseqatigiiffiutaanni sorliit namminersortunit tiguneqartariaqarnersut pisariaqarpoq uangut politikerit aalajangiinissarput paasissutissat naammattut pigalugit aamma suliarilluakkanik tunngaveqarluta. Tassani namminersortunngorsaannissamut isumalioqatigiisitaliornissaq isumassarsiatsialaavoq, tamatumunngalu ilaliivugut tamakkiisumik.



Naammassisaqarsinnaassuseqarnermut ataatsimiititaliarsuarmik pilersitsinissamut isumarput allarluinnaavoq. Siunnersuuteqartoq isumaqatigaarput oqarmat pisariaqarluinnaqqissaartoq inuiaqatigiit naammassisaqarsinnaassuseq qaffattariaqartoq. Tamanna tunngavigalugu iluarisimaarparput naammassisaqarsinnaassuseqarnissaq Naalackersuisut 2016-mi Upernaakkut ataatsimiinnermi saqqummiussaanni, Piujuartitsinissamut siuariartortitsinissamullu pilersaarummi, qitiulluinnarmat.

Demokraatini tamanna tunngavigalugu Naalackersuisut isumaqatigaagut oqarmata naammassisaqarsinnaassuseqarnermut ataatsimiititaliarsuarmik pilersitsinikkut, Piujuartitsinissamut siuariartortitsinissamullu pilersaarummiittut suliniutit arlaallit kinguarsarneqassasut.

Taamaattumik inerniliivugut immikkoortoq 57-p ilalernissaa akuerineqassasoq innersuunneqassasorlu Inuussutissarsiornermut Ataatsimiititaliami sulireqqinneqarnissaa. Immikkoortoq 143-p itigartinneqarnissaa inassutigaarput.